

**Unitat d'Aran
Estatuts**

**UNITAT
D'ARAN|UA**

Indèx

TITOL I. PRINCIPIS GENERAUS.....	1
Art. 1. Denominacion, sigles e simbèu.	1
Art. 2. Adreça.....	1
Art. 3. Encastre d'actuacion.....	1
Art. 4. Finalitats.	1
Art. 5. Principis organizatius	2
TITOL II. AFILIATS E AFILIADES	3
Art.6. Afiliats e afiliades.....	3
Art.7. Simpatizants.	3
Art.8. Pèrta dera condicion d'affiliat e simpatizant.	3
Art. 9. Afiliats e afiliades: Drets e obligacions.	4
Art. 10. Simpatizants: Drets e obligacions.	5
TITOL III. DETH REGIM DISCIPLINARI, DERA RESSOLUCION DE CONFLICTES E DETH PROCEDIMENT D'IMPUGNACION D'ACÒRDS.	6
Art. 11. Des faltes e sancions.....	6
Art. 12. Deth procedement disciplinari.	6
Art. 13. Dera impugnacion des acòrds.....	6
TITOL IV. ÒRGANS DETH PARTIT.	7
 Capitol I. ÒRGANS DE DIRECCION POLITICA E CONTRARÒTLE DERA GESTION	7
Art. 14. Eth Congrès Nacionau.....	7
Art. 15. Era Assemblada de Militants	9
Art. 16. Es Assemblades Locaus.....	11
 CAPÍTOL II. ÒRGANS DE CONTRARÒTLE	11
 CAPITOL III. ÒRGANS EXECUTIUS DETH PARTIT.....	12
Art. 18. Era Comission Executiva	12
Art. 19. Composicion dera Comission Executiva.....	13
Art. 20. Convocatòries e acòrds.....	13
TITOL V. ESTRUCTURA DETH PARTIT.....	15
Art. 22. Eth President/a	15
Art. 23. Eth/era Secretari/a Generau	15
Art. 24. Eth/era Vicesecretari/a Generau	15
Art. 25. Eleccion deth President/a e eth Secretari/a Generau.	15
Art. 26. Era Comission De Listes	16
Art. 27. Es secretaris/es d'Airau	16
TITOL VI REGIM ADMINISTRATIU-ECONOMIC.....	18
Art. 28. Es finances deth partit	18
Art. 29. Patrimòni.	18
TITOL VII. ERA DUBERTURA DETH PARTIT.....	19
Art. 31. Organizacions aderides e associades.....	19
TITOL VIII. CARGUES PUBLICS DETH PARTIT	19
Art. 32. Sus es cargues publics deth Partit.....	19
Art. 33. Relacion des cargues electes e publics tamb eth Partit.....	20
TITOL IX. DISPOSICIONS DIUÈRSSES.....	21
Art. 34. Era igualtat de genre.....	21
Art. 35. Libertat d'expression e corrents d'opinion.....	21
Art. 36. Modificacion des Estatuts.....	21
Art. 37. Dissolucion deth Partit.....	21
Art. 38. Relacion tamb eth PSC.....	21
Disposicion finau:	21

TITOL I. PRINCIPIS GENERAUS

Art. 1. Denominacion, sigles e simbèu.

Eth nòm deth partit ei Unitat d'Aran – Partit Nacionalista Aranés (UA-PNA) e es sues sigles UA. Es simbèus deth Partit son 2: un quadrat vermelh damb es sigles eth nòm d'Unitat d'Aran en blanc, e er aute eth nòm d'Unitat d'Aran en nere damb es sigles en vermelh separades per un linha vermelha, atau e coma mèrque eth manuau d'identitat corporativa aprovat pera C.E



Art. 2. Adreça.

Era sedençia d'Unitat d'Aran-Partit Nacionalista Aranés (UA-PNA) se place en carrèr Molières 2, locau 5, de Vielha (25530). Era sua plana web ei www.unitatdaran.org e era sua adreça electronica info@unitatdaran.org.

Art. 3. Encastre d'actuacion.

Er encastre territoriau d'actuacion d'Unitat d'Aran (PNA) ei Aran (Catalunya) e era sua actuacion se regís per aguesti Estatuts.

Art. 4. Finalitats.

Unitat d'Aran (PNA) recuelh eth pensament de corrents progressistes ena luta entara emancipacion sociau en tot respectar es credences personaus e, damb aguesta ideologia, atier era identitat d'Aran entà obtier entà Aran es mès nautes còtes d'autonomia en tot respectar tostemp era opinion dera majoria des aranesi/es.

Damb era vedença de hèr tèsta as rèptes cambiants dera societat actuau e damb era voluntat de trobar-i responses, Unitat d'Aran (PNA) recuelh es bases dera democràcia com un sistèma dubèrt as opinions personaus e individuaus des sòns afiliats e afiliades e des sòns simpatizants. Se base en debat democratic entà cercar eth consens.

Unitat d'Aran (PNA) ei un partit sorgit dera volontat unitària e constituenta d'òmes e hemnes qu'an ua ideologia comuna e compartissen:

- Uns valors fonamentaus comuns: era libertat, era igualtat, era justícia sociau, era sostenibilitat, era solidaritat, era patz, e era defensa deth ben comun.
- Un projècte politic entà Aran, entà mantier era identitat deth nòste país e es majors quòtes d'autogovèrn e entath reconeishement efectiu, en toti es sons ambits, des drets nacionaus e istorics que li apertien, atau coma tara conservacion e impuls dera lengua pròpria d'Aran e era sua cultura.
- Era defensa dera igualtat d'òmes e hemnes.
- Eth besonh de respóner as problèmes sociaus que gesquen en quinsevolh moment laguens dera nòsta societat

- Eth besonh de facilitar era integracion sociau, culturau e lingüistica, entà que toti es que viuen e trabalhen en Aran. Unitat d'Aran (PNA) lutarà e trabalharà entà qu'es institucions faciliten es mieis entà qu'aguest besonh sigue ua realitat.
- Era idèa d'ordenar eth territori entà aufrir en Aran ua nauta qualitat sostenible atau coma eth suenh e mantenement deth patrimòni naturau en toti es sòns encastres.
- Eth desir de daurir Aran tath mon entà auer preséncia en toti es possibles ambits.
- Un programa politic de reformes e accions que permeten auançar ena realization d'aguesti objectius.

Art. 5. Principis organizatius

Era organizacion deth Partit se base enes principis que seguissen:

1. Era democràcia coma forma de participacion des afiliats e afiliades ena vida deth Partit.
2. Eth respècte tara libertat de consciéncia, eth liure pensament e era liura expression de cadun des afiliats e afiliades. Era libertat de discussion e d'expression serà absoluta en toti es nivèus deth Partit.
3. Era opcion decidida entara igualtat efectiva des òmes e hemnes laguens deth Partit.
4. Era disciplina respècte as decisions adoptades pes òrgans competents deth Partit, laguens deth quau i aurà ua soleta estructura organica, ua soleta de politica e ua soleta accion comuna, cossent damb es resolucions adoptades en Congrès. Damb aguesta finalitat, es nomentades decisions auràn d'èster coneishudes en sòn moment pes afiliats e afiliades.
5. Era eleccion periodica des òrgans directius, executius e de contròtle, e era possibilitat de revocar-les totau o parciaument.
6. Era autonomia des sòns organs, laguens dera competéncia estatutària de cadun d'eri.
7. Eth caractèr collegiat des òrgans directius, executius e de contròtle.
8. En coeréncia damb eth principi de transparéncia e publicitat ena prenuda de decisions, es que siguen adoptades pes òrgans competents deth Partit auràn d'èster publicades o registrades en un tèrme de temps rasoable.
9. Eth debat politic permanent coma esturment entà apregondir ena formacion e capacitacion politica des afiliats e afiliades, entath coneishement e sintèsi des diuèrsi plaçaments existents en Partit e entara adopcion de decisions en fonction de critèris politics.
10. Eth renauiment periodic de besonh des cargues de direccion intèrna e des candidats e candidates tà cargues publics.
11. Era descentralizacion e eth principi de subsidiarietat coma critèri de distribucion de recorsi e competémcies entre es diferents nivèus dera organizacion deth Partit.
12. Se potenciarà era participacion activa des militants damb mès de 25 ans d'affiliacion o qu'agen ostentat cargues publics significatius, en tot amiar a tèrme per part deth partit accions de reconeishement deth sòn prètz-hèt ena consolidacion deth partit.

En aplicacion des principis inspiradors dera organizacion, e sense perjudici de d'auti aspèctes que feguren en aguesti Estatuts, s'establissem es garanties que seguissen:

1. Ena eleccion des òrgans directius e executius a toti es nivèus serà preceptiuua era practica de vòt liure e secret des membres deth Partit.
2. Es acòrds des organs directius e executius deth Partit seràn vinculants entà toti es membres que les compòsen, independentament deth sòn plaçament individua, que poderà expresar-se tant extèrnament com internament. Damb aguesta finalitat, es nomentades decisions auràn d'èster coneishudes pes afiliats e afiliades.

3. Ena eleccion des cargues de direccion e execucion deth Partit, atau com ena designacion des candidats e candidates qu'agen de figurar enes listes electoraus, ei un objectiu deth Partit qu'andús sèxes agen era maxima representacion.
4. Se poderà facilitar era incorporacion de nauis afiliats e afiliades enes òrgans directius e executius tostemp qu'ac assolide era Assemblada de militants.

TITOL II. AFILIATS E AFILIADES

Art.6. Afiliats e afiliades.

Era edat minima entà afiliar-se ath partit ei de 18 ans. Qui se volgue afiliar ath Partit ac harà mejançant ua sollicitud escrita, er aval de dus afiliats o afiliades e era fotocòpia deth sòn carnet d'identitat. Es prepauses de nauta seràn aprovades o denegades pera Comission Executiva.

En cas d'oposicion motivada per quauque membre deth Partit, era Comission Executiva pòt denegar era afiliacion dempus d'ua audiència prèvia damb er/a interessat/da.

Era vinculacion ath partit d'Unitat d'Aran ei un acte deth tot liure e voluntari, coma tanben ei liure e volontària era renóncia ara afiliacion.

Eth Partit a de deishar constància dera afiliacion des sòns membres en correspondent archiu de personnes afiliades e simpatizantes que se regís per çò que dispuse era Llei Organica 15/1999, deth 13 de deseme, de Proteccion de Donades de Caractèr Personau e, en qué a de constar es donades de altes e baishes definitiva.

Art.7. Simpatizants.

Es personnes que desiren collaborar damb eth Partit sense assomir es drets e es déuers des afiliats e afiliades, poderàn èster vinculadi damb aguest damb era qualificacion de simpatizants, tostemp que non siguen afiliats o afiliades a un autre partit.

En aguest sens, poderàn èster consideradi simpatizants aqueri qu'ac agen demandat de manera formau o qu'agen desenvolopat quauque tipe d'activitat estacada dirèctament damb eth Partit.

Unitat d'Aran (PNA) portarà un registre des sòns simpatizants.

Art.8. Pèrta dera condicion d'affiliat e simpatizant.

Era condicion d'affiliat/da e simpatizant/a se pèrd pes motius expausats ara seguida:

- a) Per baisha volontària. Quinsevolh persona afiliada deth partit poirà dar-se de baisha volontària mejançant un escritit ara Comission Executiva deth Partit, en tot expausar es motius pes qué sollicite era baisha. Se comprovarà era veritat d'aguesta baisha.
- b) Eth desenvolupament de quinsevolh activitat contrària ath Partit.
- c) Integracion oficiau d'un afiliat/da, en listat electorau d'un autre partit o coalicion, damb era quau eth Partit non a establit ua coalicion electorau.
- d) Per expulsion pes causes e coma resultat d'un expedient disciplinari tramitat d'acòrd damb eth Titol III des presents Estatuts.
- e) Per defoncion.
- f) Per impagament des quòtes d'affiliat, prealable requerement.
- g) En cas de sentència ferma condenatòria pera comission de delictes deliberadi grèus que compòrtén penes privatives de libertat.

- h) Era dubertura de judici orau pera acusacion de delictes deliberadi grèus e que poguen supausar penes privatives de libertat comporà era suspension temporau dera afiliacion. Atau madeish, eth Partit adòpte eth compromís d'implementar es mecanismes intèrns e extèrns entà compensar as personnes afectades injusta o indegudament imputades o investigades, e restablir-les en sòn lòc e dignitat.

Art. 9. Afiliats e afiliades: Drets e obligacions.

Toti es afiliats e totes es afiliades, an es madeishi drets e obligacions laguens deth Partit. Es afiliats e es afiliades deth partit an es drets que seguissen:

1. Participar ena ellaboracion, conéisher, deféner e aplicar eth programa, era linha politica, es Estatuts, es resolucions deth Congrès e es acòrds des òrgans directius deth Partit.
2. Participar activament ena vida intèrna deth Partit en tot realizar en sòn laguens ua activitat politica especifica. Es afiliats e afiliades participaràn enes amassades e assemblees deth Partit.
3. Expressar liurament es dues opinions damb plen respècte entàs afiliats e afiliades e tath Partit, amassar-se ena sedença deth Partit, expressar-se a trauès des sòns organs e dirigir-se as madeishi, presentar o demanar informacion, suggeréncias, critiques e èster atengudi per toti eri.
4. Participar ena prenuda de decisions e poder conéisher es que s'an adoptat pes òrgans competents deth Partit. Cap afiliat o afiliada non demorarà vinculat per cap decision prenuda per quinsevolh òrgan competent s'aguest non a estat degudament informat.
5. Èster elector e elegible en totes es instàncies organizatiues deth Partit cossent damb es disposicions d'aguesti Estatuts.
6. Èster elegible e participar en nomenament de candidats e candidates entà cargues de representacion publica cossent damb es disposicions d'aguesti Estatuts e damb es disposicions establides peth Reglament d'Elections.
7. Réceber era solidaritat deth Partit en cas de dificultats derivades dera accion publica.
8. Cap membre deth Partit non poderà èster despossedit des sòns drets se non ei per ua decision adoptada pera Assemblada de militants.
9. Impugnar es acòrds des òrgans deth partit que consideren contraris ara lei o as Estatuts.
10. Èster informats sus era composicion des òrgans directius e d'administracion o sus es decisions adoptades pes òrgans directius, sus es activitats realizades e sus era situacion economica.

Es afiliats e es afiliades deth partit an es obligacions que seguissen:

1. Cotizar periodicament per miei de domiciliacion bancària exceptadi casi excepcionaus qu'aconselhen un aute procediment, cossent damb es normes establides. Un viatge passadi sies mesi sense cotizar, se lo/la cridarà ara disciplina dera cotizacion; s'en tèrme de sies mesi a compdar dera data de comunicacion non i auesse responsa satisfactòria, perderie era sua condicion d'afiliat o afiliada, prèvia notificacion escrita dera situacion ena quau se tràbe. Aquerirà alavetz eth caractèr de simpatizant, enquia que pague es quòtes pendentes de pagament.
2. Er afiliat o afiliada d'Unitat d'Aran (PNA) sonque poderà compartir aguesta militància damb era deth Partit dels Socialistes de Catalunya. Exceptat aguest nomenat supòsit, non se poderà afiliar a cap d'autre partit, ne poderà potenciar-ne cap d'autre que non

- siguen Unitat d'Aran (PNA) e eth PSC. Era preséncia enes listes electoraus que non pòrten es sigles UA o PSC les aurà d'aprovar era Assemblada de militants.
3. Entà poder èster trigats en quinsevolh cargue public, organic o de representacion, es afiliats e afiliades auràn d'èster ath dia des sues obligacions economicas damb eth Partit en moment deth sòn nomentament e pendent tot eth periòde qu'aucupe eth cargue.

Coma garantia de contacte permanent deth Partit damb era societat, ei de besonh qu'es afiliats e afiliades d'Unitat d'Aran (PNA) participen activament enes desparières entitats e associacions que compòsen eth teishit sociau d'Aran, en tot aportar es sòns valors e principis progressistes.

Aguest contacte permanent damb era realitat sociau se complementarà damb es campanhes deth pòrta a pòrta, difusion de publicitat e informacion, mobilizacion enes periòdes electoraus (especiaument en tot exercir d'interventors), eca.

Art. 10. Simpatizants: Drets e obligacions.

Toti es simpatizants, an es madeishi drets e obliacions laguens deth Partit.

1. Es simpatizants an es drets que seguissen:

- a) Es simpatizants poderàn èster convocats e participar enes sessions informatives e de debat especific, atau coma en deliberacion programatiques. Poderàn participar en referéndums e en procèssi de nomenaments de candidats e candidates mès, en quinsevolh cas, en un collègi pròpri e diferente ath des afiliats e afiliades.
- b) Collaboraràn damb eth Partit enes activitats e mobilizacions que les siguen pròpies, e tanben poderàn colaborar economicament se atau ac desiren.
- c) Elevar consulyes e prepauses as òrgans deth Partit.
- d) Recéber información, atencion e colaboración per part des cargues institucionaus e des afiliats e es afiliades.
- e) Recéber información des activitats e es ahèrs d'actualitat politica e d'interés deth partit.

2. Es simpatizants an es obligacions que seguissen:

- a) Respectar ciò que dispausen es leis, es principis basics e es Estatuts, atau coma es acòrds validament adoptadi pes òrgans deth partit.
- b) Contribusir ar esfòrç collectiu de tot eth partit entà arténher es sues finalitats e es sòns objectius.

TITOL III. DETH REGIM DISCIPLINARI, DERA RESSOLUCION DE CONFLICTES E DETH PROCEDIMENT D'IMPUGNACION D'ACÒRDS.

Art. 11. Des faltes e sancions.

Se considerarà falta susceptibla de sancion:

Incomplir es acòrds deth partit; mantier ua conducta contrària damb es principis deth partit, hèr declaracions que poguen gastar grèument era sua imatge publica; hèr acusacions grèus e injustificades contra un aute afiliat o afiliada e, en generau, non complir es deuers de militància o mantier un comportament contrari ath contengut d'aguesti Estatuts.

Aquestes conductes, en tot atier en cada cas as suas especiaus circonstàncies, coma pòden èster era repercussion intèrna o extèrna, publicitat, conseqüéncies e efèctes, poderàn èster considerades coma:

- Fòrça grèus
- Grèus
- Leugèrs

Corresponderà imposar era sancion de:

- Expulsion en cas de falta fòrça grèu.
- Suspension de militància peth temps de 6 mesi a 1 an en cas de falta grèu.
- Suspension de militància peth temps d'1 a 6 mesi en cas de fata leugèra.

Art. 12. Deth procedement disciplinari.

Era expulsion e es autres mesures sancionadores sonque poderàn imposar-se prealaba incoaccion deth correspondent procediment contradictòri enes qu'er afectat a eth dret a èster informat des hets que se li imputen e deth plec de cargues es quaus li seràn notificadi a trauès de quinsevolh mejan de comunicacion fidedigne.

Er afectat dispausarà d'un plaç de 15 dies abils entà presentar totes aqueres pròves que considere oportunes entara sua defensa.

Un viatge escotat ar afectat, era Comission Executiva presentarà era prepausa de sancion, en un plaç non superior a dus mesi, ara Assemblada Generau que serà er organ decisòri.

Er acòrd sancionador aurà d'èster motivat en tot poder èster objècte de recors intèrn deuant dera Assemblada Generau en un plaç non superior a un mes dera notificacion encà deth madeish.

S'establís era suspension cautelara automatica de tot afiliat respècte a çò que s'age dictat auto de dubertura de judici orau, laguens d'un procés penau, per un delicte relacionat damb era corrupcion, atau coma era sancion de expulsion deth partit d'aqueri qu'agen estat condemnats per bèth un d'aguesti delictes.

Art. 13. Dera impugnacion des acòrds.

Entà poder impugnar un acòrd des organs deth partit, serà de besonh dirigir un escrit motivat e accompanhat d'un 10% des signatures des afiliadi e es afiliades deth partit, ara

Comission Executiva, en un termini maximal de cinc dies dera aprobacion de dit acòrd ençà.

Era Comission Executiva convocarà era Assemblada de militants, damb era unica finalitat de debàter era impugnacion; ena session dera madeisha se daurirà un torn de defensa e un aute contrari ara madeisha que seràn unics. Acabat es torns de paraula se procedirà ara votacion individuau e secrèta des militants presents ena Assemblada.

Entà qu'er acòrd sigue anullat serà de besonh era majoria simpla des vòts emetudi. En cas contrari, er acòrd serà fèrm, en tot acabar-se atau eth procès de impugnación.

TITOL IV. ÒRGANS DETH PARTIT.

Son òrgans de direcccion politica e contraròtle dera gestion deth Partit eth Congrès Nacionau, era Assemblada de Militants e es Assemblades Locaus.

Son òrgans executius era Comission Executiva, era Comission Permanenta e era Comission de Listes.

Ei òrgan de contraròtle era Comission de Garanties Estatuàries.

Capitol I. ORGANS DE DIRECCION POLITICA E CONTRARÒTLE DERA GESTION

Art. 14. Eth Congrès Nacionau

1. Eth Congrès Nacionau ei eth maxim òrgan deth Partit. Aurà competéncia exclusiva entà establir era sua estructura intèrna, regular era sua disciplina e ellaborar era sua politica e eth sòn programa.
2. Eth Congrès ei constituït per toti es afiliats e afiliades deth Partit.
3. S'amassarà damb caractèr ordinari, cada quate ans, dempús dera convocatòria dera Assemblada de Militants, e damb caractèr extraordinari quan lo convòque era Comission Executiva, era Assemblada de Militants o ben quan ac solliciten era mitat mès un des afiliats e afiliades deth Partit.

Era convocatòria des sessions ordinàries d'aguest òrgan se realizaràn damb ua antelacion minimal de 60 dies e es extraordinàries de 30 dies.

4. Eth Congrès aurà es atribucions que seguissen:

- 1 Establir era estructura intèrna deth Partit e reformar, se cau, es Estatuts.
 - 2 Elaborar ua estratègia e era linha politica deth Partit e eth programa de govèrn entà Aran.
 - 3 Decidir es relacions deth Partit damb d'auti partits e organizacions.
 - 4 Aprovar o refusar era gestion dera Comission Executiva.
 - 5 Refrendar es membres dera Comission Executiva.
 - 6 Elegir eth President o Presidenta.
 - 7 Elegir eth Secretari/a Generau.
5. Era convocatòria ordinària deth Congrès se realizarà, aumens, damb quate mesi d'auança, e s'enviarà simultanèament ua prepausa d'Orde deth Dia e es ponéncies marc

aprovades pera Comission Executiva. Aguestes ponéncies les elaboraràn es comissions integrades pes afiliats e afiliades que desiren participar-i.

Es militants auràn 50 dies entà formular suggeréncias ara Orde deth Dia, presentar prepauses, esmendes parciaus o ponéncies alternatives sus matèries de diuèrsa natura, siguen o non inclodides enes ponéncies marc.

50 dies abantes dera data mercada entara celebracion deth Congrès, era Assemblada de Militants, mejançant era Comission Executiva, enviarà a toti es afiliats e afiliades ua memòria, damb totes es ponéncies o proposicions refusades, amassa damb ua memòria dera gestion dera Comission Executiva e dera Assemblada de Militants.

Es esmenes que se reben damb un minim de temps de 15 dies abantes de començar eth Congrès s'editaràn e despartiràn entre es afiliats e afiliades abantes d'encetar-se eth Congrès.

Quan circonstàncies especiaus aconselhen era convocatòria d'un Congrès extraordinari non calerà basar-se enes tèrmes estabolidi, a despièch de que tostemp aurà d'èster convocat damb 40 dies d'auança. En cas de situacion especiau, era Assemblada de Militants poderà escuerçar de manera puntuau eth tèrme prèvi de convocatòria.

Eth Congrès Extraordinari sonque poderà prèner resolucions sus matèries que figuren ena Orde deth Dia dera convocatòria.

6. Es acòrds deth Congrès Nacionau se prenen per majoria simpla.

7. Era organizacion des debats des ahèrs a tractar en Congrès Nacionau, se regiran peth següent sistèma:

I. Sus era organizacion des debats des ahèrs presentadi pes desparièrs òrgans deth partit:

Eth President deth Congrès darà era paraula ara persona que corresponde era presentacion der ahèr a tractar, e dera qué non poderà pas excedir era sua exposicion mès de dètz menutes.

Finalizada era exposicion eth President darà inici a un torn de paraula des assistents que promòigre eth debat sus çò de presentat damb anterioritat; aguestes intervencions excediràn des sies menutes.

Concludit aguest torn de paraula eth President darà opcion a replica ara persona ponent der ahèr tractat.

Excepcionaument, eth President poderà daurir un dusau torn, s'ac cre oportun, e darà era paraula as assistents qu'atau ac demanen per allusions, precisions o d'autes rasons justificades.

Finalizat eth debat, se procedirà ara votacion a man auçada. Era prepausa serà validada tostemp que obtengue era majoria simpla des assistents.

II. Sus era organizacion des debats des ahèrs presentats pes militants deth Partit (mocions, informes... eca).

Eth President deth Congrès darà era paraula ara persona militant que corresponde entara exposicion der ahèr a tractar, intervencion que non poderà excedir es dètz menutes.

Finalizada era exposicion eth President darà inici a un unic torn de paraula en contra der ahèr presentat e un unic torn de paraula en favor de çò de presentat, cap des dues intervencions auràn d'excedir des dètz menutes.

Concludit es dus torns de paraula, eth President darà opcion de replica ara persona ponent der ahèr a tractar. Finalizada era intervencion d'aguest, se darà per finalizat eth debat der ahèr e se procedirà ara votacion, se siguesse de besonh, votacion que serà a man auçada. Er ahèr se prenerà en consideracion pera Assemblada, tostemp que obtengue era majoria simpla des vòts des assistents.

8. Era eleccion deth President/a, deth Secretari/a Generau e era Comission de Garanties Estatutàries se desenvoloparàn jos es precèptes que seguissen:

Tot afiliat a dret a formar part des desparièrs òrgans deth partit.

Era eleccion des membres des desparièrs òrgans deth partit aurà lòc en Congrès Nacionau posterior ara finalizacion deth comandament d'aguesti.

Era eleccion des membres des desparièrs òrgans serà mejançant sufragi liure e secret des presents en Congrès. Era eleccion serà ara totalitat dera lista presentada.

Es militants que volguen presentar-se as desparièrs òrgans deth Partit, auràn de presentar era candidatura completa a cadun des respectius òrgans, qu'aurà de vier acompanhada per aval deth 5% dera militància e qu'aurà d'èster presentada 24 ores abans der inici dera Assemblada Generau, ath President dera madeisha.

9. Mejançant eth reglament, aprovat pera Assemblada de Militantes, se pòden regular es particularitats de cada Congrès Nacionau, en tot respectar es normes estatutàries.

Art. 15. Era Assemblada de Militants

1. Era assemblada de militants ei er òrgan maxim de decision deth Partit entre Congrèssi.

2. Compausen era Assemblada de Militants e i seràn convocadi toti es militants.

3. S'amassarà coma minim un viatge ar an en session ordinària entà escotar er informe de gestion deth Secretari Generau e jos era orde deth dia signada peth President. Era convocatòria dera sesió ordinària dera Assemblada de Militants la realizarà 15 dies abantes dera sua celebracion a instàncies dera Comission Executiva deth Partit. Se poderá amassar en session extraordinària cada viatge que sigue de besonh a instàncies dera Comission Executiva o d'ua quatau part des afiliats. Es sessions extraordinàries se convocaràn damb era urgència de besonh, maugrat qu'es acòrds que se prenen sonque seràn valids se s'a notificat era convocatòria a toti es sòns membres e s'obten un quòrum minim dera mitat mès un des sòns components. En aguest sens, era militància serà convocada regularament a amassades damb era Comission Executiva. Arribat eth cas

aguestes amassades poderàn substituir ara amassada annau ordinària dera Assemblada s'atau ac considère era madeisha.

Era convocatòria des sessions ordinàries d'aguest òrgan seràn damb ua anticipacion minima de 15 dies e es extraordinàries de 24 ores.

4. Era orde deth dia des ahèrs a tractar ena Assemblada de Militants serà realizat pera Comission Executiva e se poderàn includir punts a tractar ena orde deth dia, quan 10 militants presenten un escrit motivat ara Comission Executiva, que someterà a votacion era inclusion d'aguesti punts a tractar ar inici dera session dera Assemblada. Se se obtenguèsse era majoritat absoluta des presents ena Assemblada es punts seràn sustanciats pendent eth desenvolopament dera Assemblada, en cas contrari se descarte era sua inclusion enes debats.

5. Son competéncies dera Assemblada de militants:

- a) Definir era politica deth Partit, en tot qu'eth Congrès non s'age amassat, cossent damb es resolucions deth darrèr Congrès, qu'en cap de cas non poderàn ester alterades pera Assemblada de militants.
- b) Aprovar, en sòn cas, es conclusions des conferéncies des Comissions Sectoriaus, atau com es des jornades o seminaris que se convòquen entà desenvolopar era linha politica deth Partit.
- c) Controclar era gestion dera Comission Executiva e revocar-la s'ei de besonh, totau o parciaument.
- d) Corbir entre es sòns integrants es vacants que i age, per dimission, revocation o d'autes causes, ena Comission Executiva deth Partit. Quan es vacants dera Comission Executiva tanhen ara Secretaria Generau deth Partit, o ben ara mietat mès un des sòns membres, era Assemblada de militants convocarà un Congrès Extraordinari entara eleccion d'ua naua Comission Executiva deth Partit.
- e) Corbir entre es sòns integrants es vacants qu'age, per dimission, revocation o d'autes causes, ena Comission de Garanties.
- f) Aprovar es pressupòsti ordinaris e extraordinaris deth Partit.
- g) Fixar e revisar es quòtes des afiliats e afiliades.
- h) Informar en tot moment as afiliats e afiliades des deliberacions e resolucions prenudes.
- i) Dirigir es linhes fonamentaus dera politica electorau deth Partit coma son programes e aliances electoraus, d'acòrd damb es resolucions deth Congrès. Designarà es candidats e candidates que se presentaràn entàs eleccions que se celèbren dehòra d'Aran e ratificarà as prepausadi pes afiliats e afiliades de cada municipi e de cada terçon entà presentar-se tàs eleccions municipaus e tath Conselh Generau, respectivament.
- j) Controclar era actuacion des parlamentaris e es parlamentàries e de toti es afiliats e afiliades deth Partit qu'agen cargues publics.
- k) Nomentar ua Comission Gestora en cas de dimission dera Comission Executiva.
- l) Convocar eth Congrès deth Partit e daurir eth periòde de presentacion de candidatures.
- m) Trigar es representants entath Conselh Nacionau deth PSC.
- n) Determinar era quantitat economica qu'an d'aportar es cargues publics damb retribucion, segontes es circonstàncies particulares de cada cas.
- o) Prepausar es personnes entàs cargues d'eleccion non dirècta.

6. Es membres dera Comission Executiva non poderàn exercir eth dret a vòt enes apartats c) e i).

7. Per ua decision aprovada pera majoria dera Assemblada de Militants presents en ua session validament constituida, e tostemp qu'aguesta prepausa cònste ena orde deth dia, era Assemblada de Militants o era Comission Executiva poderà convocar un referendum sus decisions politiques puntuaus d'importància cabdau, entà que poguen èster aprovades peth conjunt des afiliats e afiliades. Aguest tipe de referèndum podera èster convocat tanben mejançant ua demana escrita deth 15% des afiliats e afiliades.

8. Era mesa dera assemblada de militants serà presidida peth President e eth Secretari Generau.

9. Es acòrds deth Congrès Nacionau se prenen per majoria simpla.

10. Era organizacion des debats dera Assemblada se regiràn peth madeish sistèma que regissen es debats deth Congrès Nacionau (art. 14.7).

Art. 16. Es Assemblades Locaus.

Es assemblades locaus son es organs qu' amassen es militants e simpatizants des pòbles d'Aran. S'amassaràn periodicament, coma mínim un viatge per semèstre, mès poiràn èster convocades quan era Comission Executiva o es Coordinadors Territoriaus d'aguestes assemblades ac consideren oportun. Tanben poiràn èster convocades a demana des militants.

Era Comission Executiva s'amassarà coma minim un viatge ar an damb cadua des Assemblades Locaus.

Es cargues elegits informaràn dera sua gestion deuant des Assemblades Locaus damb ua periodicitat inferiora as sies mesi.

Es Assemblades auràn foncions de debat, assessorament, mobilizacion e composicion e ratificacion de listes electoraus locaus.

En cas d'oportunitat politica, demana dera Comission Executiva, o des militants, es Assemblades Locaus d'un Terçon poiràn, jos era denominacion d'Assemblada de Terçon, abordar aqueres questions que les afècten coma territòri.

Es Assemblades Locaus se regiràn per aquerò dispausat en art. 15 des presents estatuts.

CAPÍTOL II. ÒRGANS DE CONTRARÒTLE

Art. 17. Comission de Garanties Estatutàries.

Era Comission de Garanties Estatutàries serà compausada per tres membres en tot actuar un d'eri coma president e es auti dus coma vocaus.

Era eleccion des membres demore determinada en article 14.8 des presents estatuts.

Era durada deth mandat des membres dera Comission de Garanties Estatuàries serà de 4 ans. Es debats que se pòrten a tèrme laguens d'aguest òrgan, seràn reguladi peth reglament de funcionament intèrn d'aguest.

Era Comission de Garanties Estatutàries s'amassarà, damb caractèr ordinari, semestralmente e de forma extraordinària cada viatge que se requerisque. Era convocatòria des sessions ordinàries d'aguest òrgan serà damb ua anticipacion minima de 15 dies e es extraordinàries damb un minim de 24 ores.

Es foncions dera Comission de Garanties Estatuàries son:

- a) Controlar era activitat democratica des desparièrs òrgans deth Partit.
- b) Controlar era activitat democratica des dirigents deth Partit e des sòns representants institucionaus.
- c) Elaborar ua prepausa de Còdi Etic e Transparéncia.
- d) Tramitar e resòler era impugnacion contra es acòrds des òrgans deth partit.
- e) Evaluar damb caractèr periodic eth Còdi Etic e Transperéncia e aguesti Estatuts.
- f) Velhar peth corrècte desenvolopament des procèssi electoraus intèrns.
- g) Organizar formacion entà toti es militants e simpatizants.
- h) Assegurar er exercici des drets des afiliadi/es.
- i) Velhar peth corrècte desenvolopament des procediments disciplinaris.
- j) Hèr respectar eth pluralisme intèrn e era libertat d'opinion.

Entath contraròtle dera activitat democratica des dirigents e des sòns representants institucionaus elaborarà un informe posterior ara sollicitud des declaracions de bens e activitats des cargues deth partit, que seràn publics. En cas qu'en desenvolopament des sues foncions detecten quauque tipe d'irregularitat serà elevada, se siguesse de besonh ara Comission Executiva entath sòn estudi e tramitacion.

CAPITOL III. ÒRGANS EXECUTIUS DETH PARTIT

Art. 18. Era Comission Executiva

Era Comission Executiva execute es acòrds deth Congrès e dera Assemblada de Militants e rendís compdes dera sua actuacion un còp ar a nena Assemblada de militants, atau coma prescriu er art. 15 des presents Estatuts.

Especificament son foncions dera Comission Executiva:

- a) Elaborar e mantier eth cens des afiliats e afiliades deth Partit.
- b) Requetar es quòtes des afiliats e afiliades.
- c) Mantier relacions damb d'auti grups politics e sindicaus.
- d) Nomentar un portavotz deth Partit.
- e) Designar era persona responsable economic-financèra deth Partit.
- f) Editar era premsa o revistes deth Partit.
- g) Organizar e fomentar era formacion des afiliats e afiliades.
- h) Amiar a tèrme era administracion e gestion deth Partit, es sues finances e patrimòni.
- i) Garantir eth funcionament regular dera organizacion deth Partit.

Demorarà facultada entà realizar toti es actes relacionadi damb eth crèdit e era administracion entath desenvolopament des activitats deth Partit, cossent damb es decisions dera Assemblada de Militants, ara quau balharà compdes.

De forma generau, es amassades dera Comission Executiva seran dubèrtes a tota era militància, sens perjudici que, s'era situacion o es ahèrs a tractar atau ac requeríssen, pogue convocar-se sonque as membres dera Comission Executiva.

Art. 19. Composicion dera Comission Executiva.

Era Comission Executiva ei formada per:

- 1 Eth/era President/a.
- 2 Eth/era Secretari/a Generau.
- 3 Eth/era Vicesecretari/a generau
- 4 Es Secretaris/es de:
 - a. Organizacion
 - b. Accion politica
 - c. Accion electorau e Joenessa
 - d. Desvolopament economic
 - e. Coordinacion institucionau
 - f. Accion municipau
 - g. Participacion ciutadana
 - h. Politiques ambientaus e pagesia
 - i. Educacion
 - j. Formacion
 - k. Dinamizacion locau
 - l. Finances
 - m. Igualtat e benèster
 - n. Comunicacion e innovacion
 - o. Trabalh e accion sociau
- 5 Es caps de lista ath Conselh Generau d'Aran per cada terçon. Tostemp qu'aguesti siguen afiliats o afiliades deth partit, en cas contrari se nomenatarà entà formar part dera Comission Executiva era persona que vage darrèr sòn enes darrères listes electoraus.
- 6 Es alcaldes o caps de lista des municipis e es presidents des EMD. Tostemp qu'aguesti siguen afiliats o afiliades deth partit, en cas contrari se nomenatarà entà formar part dera Comission Executiva era persona que vage darrèr sòn enes darrères listes electoraus.
- 7 Es representants des Assemblades Locaus seràn escuelhudi ena pròpria Assemblada Locau de cada Terçon e se coneisheran damb eth nom de Coordinadors Territoriaus.
- 8 Es Deputats o membres elegits en d'autes institucions. Tostemp qu'aguesti siguen afiliats o afiliades deth partit, en cas contrari se nomenatarà entà formar part dera Comission Executiva era persona que vage darrèr sòn enes darrères listes electoraus.
- 9 Es militants que pera sua importància sociau siguen designadi pera Executiva e ratificadi pera Assemblea de Militants.

Eth mandat des membres dera Comission Executiva serà eth temps que passe entre Congrès Nacionau ordinari e Congrès Nacionau Ordinari.

Art. 20. Convocatòries e acòrds.

Era Comission Executiva s'amassarà aumens un viatge ath mes de manèra ordinària a instàncies deth President e de manèra extraordinària, en moment qu'era actualitat politica

atau ac requerisque. Era convocatòria des sessions ordinàries serà damb ua anticipacion minima de 7 dies e es extraordinàries damb ua anticipacion minima de 24 ores.

Era prepausa d'orde deth dia de cada amassada dera Comission Executiva serà presentada peth Secretari Generau, mès dus o mès membres dera CE poderàn includir ahèrs en orde deth dia previst.

Sus era organizacion deth debat des punts includidi ena orde deth dia, s'iniciarà damb era exposicion der ahèr a debàter per part dera persona responsabla d'aquera matèria ena Comission Executiva. Finalizada era sua exposicion se daurirà un torn de paraules, durada dera quau serà eth doble deth temps utilizat ena exposicion iniciau maximum, per part deth rèste de membres dera Comission Executiva e s'acabarà era deliberacion deth punt dera orde deth dia damb era replica as intervencions per part deth ponent e se passarà ara votacion, se siguesse de besonh, entara adopcion d'acòrds sus er ahèr tractat.

Toti es acòrds que s'adòpten enes amassades dera Comission Executiva auràn d'èster per majoria absoluta des membres que compausen aguesta comission.

Art. 21. Era Comission Permanenta.

Eth/a President/a, eth/a Secretari/a Generau, eth/a vicesecretari/a generau e es sòns secretaris d'airau, formaràn era Comission Permanenta. S'amassarà un viatge per semana a instàncies deth Secretari Generau.

Era elaboracion dera orde deth dia, era sua modificacion, era convocatòria, era organizacion deth debat e era adopcion d'acòrds, se regissen dera madeisha manèra qu'era Comission Executiva deth Partit (art. 20).

TITOL V. ESTRUCTURA DETH PARTIT

Art. 22. Eth President/a

Era figura deth President d' Unitat d' Aran serà era aglotinador e representant institucionau deth nòste Partit.

Es sues atribucions seràn:

- Presidir e convocar eth Congrès Nacionau, era Assemblada de Militants, era Comission Executiva e era Comission Permanenta.
- Presidir era Comission de Listes.
- Es foncions de representacion Institucionau.
- Gestionar es ahèrs sectoriaus tanhents as matèries de cultura, lengua e sanitat.

Art. 23. Eth/era Secretari/a Generau

Era fegura deth/era Secretari/ària Generau aurà com objècte dirigir e orientar era organizacion politica deth partit, en tot survejar eth compliment des orientacions des òrgans competents, atau com coordinar es accions e actuacions des representants politics enes administracions a on UA-PNA age representacion.

Es sues atribucions seràn:

- a. Coordinar era accion des elèctes.
- b. Coordinar era accion entre administracions e encastre de representacion a on i sigue present UA-PNA.
- c. Impulsar era preséncia d'UA-PNA enes Institucions d'Aran en tot aumentar era preséncia deth partit enes procèssi electoraus.
- d. Executar es acòrds dera executiva e dera permanenta.

Art. 24. Eth/era Vicesecretari/a Generau

Eth/era vicesecretari/a generau, assistís ara secretaria generau en compliment des sòns prètzòts e la substituís quan sigue de besonh. Coordine era activitat dera Comission Executiva. Atau madeish li correspon era matèria sectoriau d'espòrts

Art. 25. Eleccion deth President/a e eth Secretari/a Generau.

Eth President/a e eth Secretari/a Generau seràn escuelhudi pera majoria des militants assistents ath Congrès Nacionau, atau coma ditz er article 14.8 des presents estatuts.

Eth/a Secretari/ària Generau escuelhut/da designarà ath/ara vicesecretari/a generau e es secretaris/es de:

- a) Organizacion
- b) Accion politica
- c) Accion electorau e Joenessa
- d) Desvolopament economic
- e) Coordinacion institucionau
- f) Accion municipau
- g) Participacion ciutadana
- h) Politiques ambientaus e pagesia
- i) Educacion
- j) Formacion
- k) Dinamizacion locau

- I) Finances
- m) Igualtat e benèster
- n) Comunicacion e innovacion
- o) Trabalh e accion sociau

Art. 26. Era Comission De Listes

Era Comission de Listes serà era responsabla de confeccionar es listes electoraus d'Unitat d'Aran PNA.

Era Comission de Listes serà presidida peth President deth Partit e serà formada pera Comission permanenta e es Coordinadors Territoriaus.

Era comission de listes serà creada aumens un an abantes des eleccions, e aurà de sajar de presentar es listes ara Comission Executiva e ara Assemblada de Militants coma minim tres mesi abantes des eleccions, entà qu'aguesti les apròven. Es membres dera Comission de Listes passaràn a èster membres deth Comitat de Campanha un viatge en periòde electorau, e eth son trabalh començarà en moment qu'es listes proposades siguen aprovades.

Art. 27. Es secretaris/es d'Airau

a) Secretaria d'organizacion

Ei era responsabla deth funcionament e desenvolopament organic deth partit, en coordinacion damb era Secretaria Generau, vicesecretaria generau e era Presidéncia, e dera planificacion e coordinacion des trabalhs dera vida intèrna deth partit, atau tanben prebotjar era activitat dera militància e simpatizants en partit e era coordinacion ena redaccion des programes electoraus, eth sòn seguiment e eth compliment des madeishi.

b) Secretaria d'Accion Politica

Se n'encuede de colaborar ena definicion e gestion des estratègies politiques d'Unitat d'Aran enes institucions a on se trape presenta, en tot definir era estratègia politica e eth dessenh d'espacis de relacion damb es organizacions sociaus e institucions que permeten hèr visible eth projècte politic d'UA, en tot impulsar eth dialòg damb es entitats sociaus e politiques presentes en Aran.

c) Secretaria de coordinacion institucionau

Ena sua responsabilitat se i trape era coordinacion entà concretar e assegurar era unitat e coeréncia deth messatge e accion politica en totes aqueres institucions a on eth partit se trape present.

d) Secretaria de Politiques ambientaus e Pagesia

Se responsabilize deth contacte damb eth mon dera pagesia dera Val d'Aran atau coma li correspon era coordinacion dera politica ambientau e de gestion deth territori deth partit.

e) Secretaria de Comunicacion e Innovacion

A coma responsabilitat era de survejar era preséncia d'UA enes mieis d'informacion e impulsar es mieis pròpris de difusion tà hèr arribar era accion d'UA ara ciutadania. Coordine era imatge publica deth partit.

f) Secretaria d'accion electorau e Joenessa

A coma objectiu era elaboracion d'informes, análisis e Estudis electoraus, en tot analizar es cambis que se produsisquen enees resultats electoraus, atau madeish, se n'encuede dera potenciacion dera preséncia dera joenessa enes encastres d'actuacion deth partit, atau coma prebotjar era participacion dera madeisha ena activitat publica e ena prenuda de decisions.

g) Secretaria d'Accion Municipau

Ei era responsable d'establir era coordinacion tamb eth mon locau e damb era Deputacion de Lleida, en tot prebotjar era participacion des sòns representants ena vida activa deth partit. d'ampliar, melhorar e ajudar as representants d'UA enes ajuntaments

h) Secretaria d'Igualtat e benèster

Serà era responsable d'establir es linhes d'actuacion enes politiques de benèster e potenciar es relacions tamb era gent grana. Atau madeish se n'encuedarà dera elaboracion des politiques d'igualtat enes encastres dera vida sociau, politica, economica, laborau, sanitària e educativa.

i) Secretaria de desenvolapament economic

Se n'encuede de definir e avalorar es estratègies en matèria de desenvolapament economic deth partit d'acòrd damb es principis d'igualtat e justicia sociau que defense Unitat d'Aran.

j) Secretaria de participacion e transparéncia

Eth sòn prètzhet ei eth de mantier e ampliar es accions e mecanismes intèrns que permeten era participacion dera militància ena vida deth partit atau coma velhar per garantir era qualitat democratica intèrna. Ath sòn temps se n'encuede de mantier eth contacte damb es entitats e organizacions extèrnes amassa damb era secretaria d'accion politica.

k) Secretaria d'educacion

Ei era responsable dera analizi e seguiment des politiques educatives vigentes atau coma era elaboracion des prepauses e iniciatives en relacion damb es madeishes.

l) Secretaria de formacion

Se n'encuede dera gestion e coordinacion dera formacion tara militància atau coma tòs diferents cargues publics deth partit.

m) Secretaria de dinamizacion locau

Ei era responsable dera dinamizacion des assemblades locaus, en tot incentivar e fomentar era sua activitat e en tot dar-la a conéisher as òrgans deth partit, atau coma coordinar-ne es accions amassa damb era secretaria d'accion municipau.

n) Secretaria de trabalh e accion sociau

A coma foncions era coordinacion des accions entà reforçar es politiques actives d'emplec en toti es encastres atau coma era analizi e seguiment des accions en matèria sociau deth territori. Atau madeish, gestione tot aquerò relacionat damb es movements sociaus e sindicau presents en Aran.

o) Secretaria de Finances

Es sues foncions son establides en Capitol V des presents estatuts.

TITOL VI REGIM ADMINISTRATIU-ECONOMIC

Art. 28. Es finances deth partit

Era Comission Executiva deth Partit, e laguens sòn era Secretaria de Finances, ei er òrgan que s'encueude dera administracion economica e patrimonial deth Partit. Laguens dera madeisha CE se designarà ara persona o personnes qu'exerciràn es foncions que se detalhen mès enjós. Aaguesta a de complir escrupulosament era legislacion vigenta en aguesta matèria e de garantir era maxima transparéncia ena obtencion e gestion des recorsi amiadi entà finançar es activitats deth Partit.

Concrètament, son competéncia dera Secretaria de Finances:

- a) Elaborar es pressupòsti de funcionament ordinari e extraordinari, atau com es pressupòsti des campanhes electoraus, qu'auràn d'èster aprovadi, prumèrament, pera Comission Executiva deth Partit e, definitivament, pera Assemblada de militants. Era presentacion deth pressupòst ordinari anarà acompanhada damb era liquidacion deth pressupòst deth darrèr an e deth balanç generau.
- b) Dictar es normes de compliment obligat relatives ara administracion, finançament e comptabilitat des diuères instàncies deth Partit.
- c) Balhar compdes ara Comission Executiva, aumens un còp cada trimesadèr, dera evolucion economica deth Partit.
- d) Prepausar ara Comission Executiva deth Partit era aprobacion dera quòta minima que cada afiliat e afiliada a d'aportar, atau com aqueres quòtes extraordinàries que, damb caractèr excepcionau, considère de besonh.
- e) Controlar es quòtes específiques des cargues publics deth Partit, tant d'elèctes com de liura designacion.

Art. 29. Patrimòni.

Eth patrimòni d'Unitat d'Aran (PNA) ei constituit pes bens e drets de quinsevolh tipe, aquerits per quinsevolh títol legau, e ei indivisible. Era expulsion, suspension o dimission des afiliats e afiliades o era dissolucion de quauquun des òrgans territoriaus non da cap dret a quòtes, reemborsaments o divisions deth patrimòni, qu'ei tostemp d'exclusiva titularitat d'Unitat d'Aran (PNA).

Es recorsi economics e financiers deth Partit son constituïdi per:

- a. Es quotes ordinàries des sòns afiliats e afiliades.
- b. Es aportacions économiques extraordinàries que poguen acordar es sòns organs directius.
- c. Es aportacions économiques des sòns simpatizants.
- d. Es rendiments deth sòn patrimòni.
- e. Eth producte des sues activitats.
- f. Es donacions, legats e subvencions que receive.
- g. Es credits que concèrte.
- h. Es aportacions économiques derivades des cargues publics, tant d'electes com de liura designacion.

Toti es afiliats e afiliades seràn obligadi a abonar ua quòta annau fixada pera assemblada de militants.

Era formalizacion des operacions de crompa-venta, pignoracion o ipotèca des bens patrimoniaus deth Partit serà acordada, prèvia aprobacion dera assemblada de militants, pera Comission Executiva deth Partit.

Es diaris, revistes e d'auti mieis de comunicacion sociau que siguen propietat deth Partit depeneràn politicament e administrativament dera Comission Executiva deth Partit.

Art. 30. Regim Juridic

Unitat d'Aran (PNA), cossent damb era sua plia capacitat juridica e patrimonial, poderà crear, establir e fondar associacions, clubs, fondacions e d'autes entitats parieres, dotar-les de patrimòni e regular es sues formes de funcionament e direccion. Poderà, atau madeish, establir convènis d'actuacion conjunta damb tota sòrta d'entitats culturaus o altruistes, entara coordinacion o mancomunitat d'activitats, damb era intencion de melhorar eth desenvolopament des finalitats e objectius deth Partit.

TITOL VII. ERA DUBERTURA DETH PARTIT

Art. 31. Organizacions aderides e associades

Poderàn aderir-se ath Partit es associacions culturaus, professionaus, recreatives, cooperatives, centres d'estudis, clubs d'opinion e collectius sectoriaus, tostemp que non i age contradiccion entre es nòsti Estatuts e es sòns. Era adesion se formalizarà mejançant un convèni subscrit damb era Comission Executiva deth Partit, en quau s'especificaràn es drets e deuers des organizacions aderides, per miei des quaus poderàn exercir era participacion enes congrèssi deth Partit e ena assemblada de militants, atau com enes modalitats d'aguesta participacion que, tostemp, atierà es critèris estabolidi en aguesti Estatuts. Era Assemblada de Militants aurà de ratificar aguesti convènis.

TITOL VIII. CARGUES PUBLICS DETH PARTIT

Art. 32. Sus es cargues publics deth Partit

Era designacion des membres deth Partit candidats o candidates entà cargues de representacion publica corresponderà tostemp en darrer tèrme ara era Comission Executiva e aurà d'auer en compde es prepauses dera òrgans directius deth Partit correspondents as circonscripcions deth sòn airau territoriau.

Es prepauses de listes entàs eleccions locaus tath Conselh Generau, tath Parlament de Catalunya, Congrès des Deputats, Senat e Parlament Europèu, seràn tostemp portades entara Assemblada de Militants dempús d'un procès electorau en quau poderàn participar-i toti es afiliats e afiliades ath Partit en votacion individua, liura, dirècta e secreta, segontes çò qu'establís er article 6.

Enes eleccions de caractèr locau, en cas que i age discrepàncies per part dera Assemblada de Militants, aguesta demanarà ara Comission de Listes qu'age hèt era prepausa un informe rasoat que serà examinat abantes de préner era resolucion definitiva.

Es cargues publics que non siguen d'eleccion dirècta seràn prepausadi pera Comission Executiva o era Assemblada de Militants.

Era Comission Executiva elaborarà un Reglament de cargues publics que regularà era relacion d'aguesti damb era organizacion deth Partit, laguens des formes previstes en

aguesti Estatuts. Es cargues de representacion publica assistiràn entàs amassades der òrgan directiu der ambit correspondent e tanben auràn veu.

Es cargues de representacion publica son elements fonamentaus dera relacion entre es ciutadans, eth Partit e es institucions e, en conseqüéncia, auràn ua especiau dedicacion as activitats que tanhen ar increment d'aguesta relacion e eth contacte dirècte damb era ciutadania e es entitats.

Dedicaràn, aumens e coma critèri generau, ua tresau part deth sòn temps disponible ara activitat organica e de relacion ciutadana e aportaran as finances deth Partit, eth percentatge dera sua retribucion mesadèra, en fucion des critèris que establisque era Comission Executiva.

Era Assemblada de Militants establirà es mecanismes de seguiment e avaloracion contunhada dera activitat que realizen e que permete garantir eth compliment d'aguesti critèris, que s'auràn en compde ara ora de confeccionar es listes electoraus.

Es registres d'actuacion politica seràn publics. Era Assemblada de Militants arbitrarà es mecanismes de besonh entà qu'aguesta informacion pogue èster accessibla as integrants e integrantes dera Assemblada.

Art. 33. Relacion des cargues electes e publics tamb eth Partit

Entàs membres deth Partit trigadi en d'auti àmbits d'activitat politica o qu'aucupen nauti cargues ena administracion, se seguiràn es critèris establidí anteriorament tant en terren politic com en economic. Assistiràn enes amassades der organisme de direcccion der airau territoriau correspondent damb veu mès sense vòt.

TITOL IX. DISPOSICIONS DIUÈRSSES

Art. 34. Era igualtat de genre.

Se garantirà qu'enes òrgans directius, executius e candidatures electoraus deth Partit i age ua representacion pariona d'òmes e hemnes. Enes listes electoraus eth percentatge serà distribuit omogenèament ath long dera lista.

Art. 35. Libertat d'expression e corrents d'opinion.

Unitat d'Aran (PNA) considère qu'era libertat d'opinion e discussion intèrna son un des sòns patrimòms fonamentaus e cre qu'es afiliats e afiliades pòden e an d'expressar es sues opinions, tant individuauments coma collectivaments, en toti es moments dera vida politica dera organizacion.

Damb aguesta finalitat se poderàn constituir laguens deth Partit tant corrents d'opinion, tostemp qu'eth sòn ambit sigue eth dera totalitat deth Partit e se vertèbren ath torn de tèsis politiques positives formulades explicitament e recuelhudes en tàxi publicadi, coma clubs de debat, d'opinion, d'afinitat e, inclús, d'associacions temporaus d'afiliats e afiliades, entà pr'amor de prebotjar opinions e projectes específics.

Era organizacion darà ajuda operativa entath funcionament d'aquestes plataformes de debat.

Art. 36. Modificacion des Estatuts.

Es presents Estatuts sonque poderà modificar-les eth Congrès. Non se poderà préner en consideracion cap prepausa de reforma sense auer includit abantes ena orde deth dia deth Congrès un punt sus aguest hèt e s'eth projècte non s'a sosmetut a debat laguens deth Partit.

Art. 37. Dissolucion deth Partit.

Serà causa d'extincion o dissolucion deth Partit era resolucion adoptada peth Congrès convocat damb caractèr extraordinari e per decision des 2/3 des vòts des afiliats e afiliades tostemp qu'era dissolucion figure ena orde deth dia e era convocatòria s'age hèt tres mesi abantes dera celebracion deth Congrès.

Art. 38. Relacion tamb eth PSC.

UA-PNA regule era sua relacion tamb eth PSC per miei d'un protocòl, signat eth 11 de deseme de 1999, en cas que s'age de modificar, s'aurà de sosmèter ara aprobacion dera Assemblada de Militants.

Disposicion finau:

En tot çò que non ei previst exprèssaments en aguesti Estatuts, serà sosmetut a çò que se dispause ena Constitucion Espanhòla e ena Legislacion en vigor en cada moment, relatiu ath dret d'associacion politica.

Vielha, deseme de 2021